

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
Dom naroda
n/r Sekretara gosp.Hadžiavdića

Our Ref:
Naš znak: 01-110-0708-935

Your Ref:
Vaš znak:

Date:
Datum: 23-02-2022

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Predmet: **Odgovor na akt broj: 05/2-02-41/22 - delegatska pitanja**

Primijeno:	25-02-2022		
Org. jed.	Broj	Priloga	Vrijednost
05/2	-02-	41	/22

Poštovani gosp. Hadžiavdić,

Ovim dopisom šaljem Vam odgovor na delegatska pitanja, upućenih od delegatkinje gđe. Segmendine Srne – Bajramović.

1. *Tražili ste da se dostavi analize opravdanosti prema kojoj je donesena odluka o zamjeni gasovoda?*

Izrada Analize opravdanosti prema kojoj je donesena odluka o zamjeni gasovoda, trenutno nije u nadležnosti BH-Gas d.o.o. Sarajevo, jer od momenta prelaska na Turski tok, tj. od 01.04.2021. godine, Vlada Federacije je Izmjenom Uredbe o organizaciji i regulaciji gasnog sektora u Federaciji BiH („Službene novine Federacije BiH“ broj: 83/07 i 71/21) u članu 31., u stavu (2) riječi: ""BH-Gas" d.o.o. Sarajevo", zamijenila s riječima: ""Energoinvest" d.d. Sarajevo".

Samom izmjenom Uredbe, BH-Gas d.o.o. Sarajevo, nije više snabdjevač gasa, nego Energoinvest d.d. Sarajevo i nema uvida u fakture nabavke gasa, a posljedično toga, BH-Gas d.o.o. ne može da uradi usporedbu troškova prethodne i sadašnje rute/pravca snabdijevanja.

2. *Da li se u ovom momentu radi išta na državnom Zakonu o gasu i električnoj energiji?*

Navedeno pitanje se odnosi na Ministarstvo vanjske trgovine i ekonomskih odnosa Bosne i Hercegovine.

3. *U kojoj fazi je Projekat realizacije Južne interkonekcije, koji je predložen kao alternativa?*

Posljednje što je urađeno kod Projekta Južna interkonekcija, jeste da je objavljen tender krajem decembra 2021. godine za izradu Glavnog projekta. Ured za razmatranje žalbi Bosne i Hercegovine je 16.02.2022. godine poništio tendersku dokumentaciju.

Uporedo sa pripremom dokumentacije za građenje, radi se i na provođenju zakonskih procedura za Prijedlog Zakona o gasovodu "Južna interkonekcija Bosna i Hercegovina i

Republika Hrvatska." Prijedlog Zakona o gasovodu JI BiH i RH, je usvojen na 28. Redovnoj sjednici održanoj 21.12.2021. godine, sa tri amandmana Vlade Federacije BiH i četiri amandmana koje je Vlada prihvatila, pa su amandmani postali sastavni dio Prijedloga Zakona. Prijedlog Zakona o JI Bosna i Hercegovina i Republika Hrvatska je 23.12.2021. godine, prosljeđen Domu naroda na usvajanje. Dom Naroda Parlamenta Federacije BiH, zaključno sa današnjim danom nije razmatrao navedeni Prijedlog Zakona.

4. *Šta su konkretni razlozi čija je odgovornost za posljednja dešavanja kada su u pitanju nedostatak gasa za potrošače u Kantonu Sarajevo?*

Preduzeće BH-Gas d.o.o. Sarajevo, po Uredbi obavlja funkciju transportera gasa u Federaciji BiH, i BH-Gas d.o.o. Sarajevo nema ovlaštenja da ukazuje, čija je odgovornost za posljednja dešavanja oko nedostatka gasa u Kantonu Sarajevo.

Također Vam, šaljem odgovor na delegatska pitanja a na koja BH-Gas može dati odgovore i koja se odnose na poslovanje BH-Gasa, upućena od delegata gđin. Damira Marjanovića:

1. *Da li ste prelaskom na Turski tok, prekršili ranije potpisane ugovore poput onoga kojeg ste potpisali sa Mađarskom kompanijom i da li je istina da je zbog toga pokrenut postupak Arbitraže i da ćemo možda zbog tog kršenja ugovora platiti penale pa neki procjenjuju i do 21 milion USD?*

Pokrenut je postupak Arbitraže pred Međunarodnim sudom u Cirihi, prema UNICITRAL arbitražnim pravilima.

2. *Posebno me interesuje da li postoje penali i koliki su penali za kršenje ugovora koji je navodno trebao da važi do 2023. godine?*

Navedeno, trenutno utvrđuju istražni organi Finansijska policija Federacije BiH i Državna agencija za istragu i zaštite – SIPA.

Sva ostala pitanja koja je postavio uvaženi poslanik gđin. Damir Marjanović ne odnose se na poslovanje BH-Gas d.o.o. Sarajevo ili su Pravilnikom o pristupu informacijama BH-Gasa, zabranjene da se prosljeđuju.

S poštovanjem,

 v.d. DIREKTOR
Mihajlo Krmpotić